

اداره مرکزی :

آنقره ده ، معارف امینلیک بانه کی دایره .  
استانبول جاده سنده آنقره

استانبول بوروسى :

استانبولده ، آنقره جاده سنده ۸۷ نومروده  
دايره مخصوصه

# حیات

میانجامیانه ... زیاده راهای حیات قاتالم ...

نهمسی هربرده ۱۵ فرورسره .

سنه لکی بوسته ایله ۷.۵ لیرا .  
( اجنئی مملکتلر ایچین ۷.۵ دولار ) .

ایونه واهلان ایشلری ایچین استانبول بوروسه

مراجعت ایدیلیر .

بازی ایشلرنک مرجعی آنقره هرلریدر .

سای : ۷۰

آنقره ، ۲۹ مارت ، ۱۹۲۸

۳ نجی جلد

مصاحبه

## بین الملل قونفره لر و اهمیتلری

بین الملل علم حیاتنده قونفره لرك اهمیت کیت کیده فضله لشیور . هر هانکی علم شعبه سی اولورسه اولسون ، « علم » ، ماهیتی اعتباریله « بین الملل » بر محصول اولدیغندن ، مختلف مملکتلرده عین موضوع اوزرنده چالیشان عالملر آراسنده صیقی و دائمی بر ارتباط تأسیسنه هر کون داها چوق احتیاج کورولیور ؛ و بو احتیاج نتیجه سنده ، هر علم شعبه سنه عائد آری آری بین الملل قونفره لر ، بین الملل مساعی تشکیلاتی وجوده کلیور . جهان حربی ، قیصه بر زمان ایچون ، مختلف مملکتلر عالملری آراسنده درین اوچوروملر آچهرق اسکی بین الملل علم تساندینی بوزمش ، یکرمنجی عصرک ایلك سنه لرنده مسعود بر انکشاف کوسترن بو بین الملل اشتراك مساعی بی اخلال ایله مشدی . بر قاج سنه دن بری ، اواسکی فناخاطره لرك اونوتولار قیکیدن علم ساحه سنده کی بین الملل تساندک قوتله ندیکی کورولیور . « جمعیت اقوام » کده بو مسئله یله علاقه دار اولماسی ، بو مؤسسه نك مختلف ماهیتده کی فعالیتلری آراسنده بلکه الك جدی واک مشر اولانیدر . هر حالده ، آقاده میلر ، دارالفنونلر ، علمی جمعیتلر آراسنده حربدن اولکی صمیمی مناسبانک یکیدن باشلا دیغنی و هر طرفده بین الملل علمی قونفره لرك طوپلان دیغنی کورمک ، مدنیتک مستقبل انکشافی نامنه ممنونیتله سلامانه حق بر حاده در .

بو بین الملل علم قونفره لرینک ماهیت و خد متلری ، مختلف نقاط نظر دن مطالعه اولونه بیلیر . صرف علمی نقطه نظر دن بونلرک فائده لرینی شو صورتله خلاصه ایده بیلیرز : عین ساحه لرده

چالیشان مختلف مملکتلره منسوب عالملر آراسنده شخصی دوستقلر پیدا ایده رک علمی رابطه لری جوغالتق ؛ هر کسی بر برینک نتایج مساعیسندن خبردار ایتمک ؛ مختلف نقطه نظر لرك مبادله و مناقشه سنه خدمت ایتمک صورتیله علمی ترقیاته مؤثر اولوق ؛ مستقبل مساعی ایچون معین پروگراملر چیزه رک بین الملل اشتراك مساعی بی تأمین ایتمک ؛ بین الملل ماهیتده نثریات یاپیلا . بیلیمه سی ایچون مادی و معنوی وسائط و عناصری تأمینه چالیشمق . داغینیق ، منفرد مساعی بی عمومی تشکیلاته ربط ایتمک غایه سنی استهداف ایدن بو مساعینک اهمیت و فائده سی پک صریحدر . دیگر طرفدن ، بو قونفره لر ، مختلف ملت لرك او ساخته کی علمی سویه سنی کوسترن بر نوع امتحان میدانی تشکیل ایدر : هر ملت بوراده ساده جه معناسز بر سیرجی حالنده قالمایه رق ، فکری فعالیت و قدرتی کوستره بیلیمک ایچون ، او ساحه ده کی اک ممتاز عالملرینی بورایه کوندرمکه چالیشیر . هر هانکی ملتی تمثیل ایده نلر ، قونفره مساعیسنه قوت و موفقیتله اشتراك ایده جک برسویه ده بولونمازلرسه ، وضعیت چوق فحیح اولور . بو قونفره لرك کندیلرینه مخصوص غریب بریدی قودی محیطی واردر ؛ بو محیط ، اک حساس بر بارومتره کبی ، هر کسک قدرت و موفقیت درجه سنی در حال ثولجر . بناء علیه ، موفقیتله اشتراك ایدیله جکنه امین اولمادقجه ، بو کبی اجتماعلره اشتراك ایتمه مک اک دوعرو بر حرکتدر . هله ، شیمدی یا کثریتله قدر یایدیغمز کبی ، ساده جه سیرجی صفتیله قونفره لره کیتیمک ، مفید اولمقدن زیاده

مضر اولور . اساساً بو کبی اجتماعلره - بالخاصه مثلاً بردار الفنون نامنه - اشتراك ایده جک اونلرک ، کندی شعبه سنده بین الملل بر شهرت علمی بی حائز ذوات آراسندن انتخابی شرطدر . قرق الی سنه دن بری یوزلرجه بین الملل قونفره یه اشتراك ایتمزدر ؛ فقط بو قونفره لرك نشر یاتنده ، ضبط نامه لرنده ، تورکیه نامنه اشتراك ایده نلرک مخطرله رینه ، اثر لرینه تصادف ایدیلیمه سی ، مع الاسف چوق نادر بر حاده در .

بین الملل قونفره لرك ، علمی جهه دن باشقا برده سیاسی جهه لری واردر : جهان افکار - عمومیه سنه قارشى کندیلرینک « علم و مدنیت خادمی » اولدیغنی کوسترمک ایسته یین بعض کنج دولتر ، کندی مملکتلرنده بو جنس بین الملل اجتماعلره زمین حاضر لاق صورتیله بر نوع مدنی نمایش یاپارلر . مثلاً جهان حربندن صکرا « رومانی » و « یوغوسلاویا » کندیلرینی « یونانستان » کبی بیزانس عنعنه لرینک وارث و معقبی عدایتدکلری جهته ، بیزانس تدقیقاتنک انکشافه بویوک بر علاقه کوستردیلر . رومانی ( ۱۹۲۴ ) ده « بو کرش » ده « بین الملل برنجی بیزانس تدقیقاتی قونفره سی » نی اجتماعه دعوت ایتمدی ؛ و بو صورتله بو تدقیقاتده کندیسنک بویوک بر موقعی و علاقه سی اولدیغنی کوستردی . ایکنجی « بین الملل بیزانس تدقیقات قونفره سی » ( ۱۹۲۷ ) ده « بلغراد » ده اجتماع ایتمدی . بو صورتله « یوغوسلاویا » کندیسنک علم و مدنیت خادمی اولوق و بیزانس تدقیقاتنه علاقه کوسترمک خصوصنده رومانیان کری قالمایاجغنی آکلانیدی . اساساً هر ایکی قونفره ده ده ،

دیمک که تخلف، تنوع درجه‌سی بوکسکلیکی تعیین ایچون قوللائیماسی بزه توصیه اولان اولچودر . جمعیتلرک ویا بشریتک حیاته عائد متعاقب دوره لری ، بک قولای طائغاسی ممکن اولان بعض علامتله یكدیگرندن تفریق اتمک ممکن اولدیفنه قانع اولان دیکرمتفکرلرده واردر . شولته Schultz نظرآ شو مدنیت درجه لری موجوددر : ۱. آشانی وحشیلرک مدینتی ( جوجه لر و بوشپانلر . وصف میز : اثواب و مسکن ققدانی ) . ۲ . بوکسک وحشیلرک مدینتی ( کوچوک آوسترالیا زمهره لری : مسکن و لباس موجود ) ؛ ۳ . آشانی باربارلر ( زراعت و اسارت ) ؛ ۴ . اورتا باربارلر ( داهو . مهیده ، لاپونیاده ، قالموقلرده اولدینی کبی شهرلرک موجودتی ) ؛ ۵ . بوکسک باربارلر ( تجارت ، کارکیر انشآت ، ایش بولومی ؛ حبستان ) ؛ ۶ . حرئیلر ؛ ۷ . حرئیلر .

دورقه‌یه کوره جمعیتلرک تکاملی دیمک ( داهو دوغروسو تکمیلی دیمک ) کیت کیده داهو بوکسک « معنوی کثافت » صفحه لرینه ابریشمه‌سی دیمکدر . برمعین جمعیتک فاشیتی بومعنوی کثافتله اولچولور ؛ نفوسک کثافتی ، شهرلرده کی حیات و تشکیلات درجه‌سی ، مواصله و مخابره واسطه لریبک مقداری وسرعتی ، نفوسک مقداری یعنی اجتماعی جم بومعنوی کثافتک علامتلیدر . بوعلامتله آرز جوق قولایقله رقلر حالنده افاده ایدیله بیلیر ، حتی جمع اولونابیلیر . اساساً نفوسک کی تزیایدینی تدقیق ایدرک برمدینتک درجه‌سی اوکا کوره تعیین ایلهمک اسکیدنبیری خاطره کلن براصولدر . اون دردنجی لوتی دورنده کی فرانسز رجالندن ووبان Vauban « قراللرک حشیتی تبعه لریبک مقداربله اولچولور » دیمشدی . او زماندنبیری بر جوق متفکرلر ، واقعا ووباندن فرقلی بر نقطه نظرندن ، اجتماعی تکامله باقشدر واونک علتلرندنبری ویا یکانه علتی اولارق نفوسک تموجات و تبدلانی ایلری سورمشلردر . اوکوست قونت ده اجتماعی تکاملمزک سرعتی تبدیل ایدن عمومی سبیلر آراسنده نفوسک طبیعی اولارق تزیایدینی صایوردی . بو تزیاید انسانلرک شرائط حیاتیه سنک صلاح بولدیفنی افاده ایدر . نته کیم آدام سمیت « مملکتک رفاه و عمراتک اک قطعی علامتی نفوسک آرتما سبدر ، دیمشدر .

مدینتک درجه‌سی اولچمک ایچون دیکر علامتله باقیلماستی توصیه ایدنلرده واردر . بو صورتله بک متنوع تظاهرلره مدنیت اولچوسو خدمتی کوره . بیله جکی ظن اولونیور . مثلاً جمعیات قدیمه و جمعیات ابتداییه ده هیکلترایشی محصوللرینه باقیلارک مدنیت درجه سنک اولچوله بیله جکی رأی موجود اولدینی کبی تعناد طرز لرینک مقایسه سنک ده بوخدنیتی کوره بیله جکی رأبنده اولانلر واردر . دیکر لری ، مدنیت معیاری اولارق عدالت وحق فکریبک تکمیلی درجه‌سه باقارلر . « اوغلمک کتبخانه سنده » نشر ایدیلش ویا ایدیله جک اولان د.ج هیلک « عصری دولتنده » بوسوک نقطه نظر التزام اولونعقدده در . دیکر لرین نظرآ برمدینتک تفوقی آنجق فردی حقلرک انکشاف

## مدنیت اولچوسو (\*)

اجتماعیات

— ۱ —

ایدر ، بو حس انسانلری حرمت و مرحمته سوق ایدر ، بوکون یاشایانلرک کندیلرینی یارین یاشایاچقلر ایچون فدا ایتهلرینی تأمین ایلر . نتیجه : بومتفکرلره کوره دیکر کاملتک تام انبساط و تزهیری متادی و تکاملک اک بوکسک صفحه‌سی تشکیل ایدر .

فقط ، بو نقطه نظرک صحیح اولدینی فرض اولونسه بیله برخلقک ، بردورک ، بر اجتماعی صنفک خودکاملق درجه‌سی ناصل بولالی ؟ اخلاق حیاتک وضعیتی ، تبدلرینی اولچمک مسئله‌سی اونه دنبیری ذهنلری اشغال ایدر . فقط بوتون غیرتله رغماً هنوز موقیت الده ایدیله مشدر . حتی موقیت الده ایدیله بیله بوتنک مسئله‌نک حل ایدلش اولاجنی شبهه لیدر . بعضی قوملرده حسی و اخلاق حیاتک بک صاف اولدینی کورولورده مادی و ذهنی حیات انکشاف ایتهمش اولور ؛ او زمان نه حکم ویریله جکدر ؟ اسکیمولرک صوک درجه حلیم سجه سنندن ، یكدیگریله صمیمی مناسبتلرندن ، لسانلرنده حتی برتحقیر و تجاوز معناسی افاده ایدن کله لر بیله موجود اولادیفندن نه قدر جوق بحث اولونمشدر ! فقط بوندن دولای اسکیمولرک « بوکسک بر مدنیت » صاحب اولدقلری سوبلنه . بیلیری ؟

اجتماعیاتچیلر بوکسک مدنیت اولچوسنی بعضاً فلسفی بر مبده تبعاً تعیین اتمک ایستلرلر . مثلاً سپه‌نهر بوقبلدندر . معلوم اولدینی وجهله سپه‌نهره کوره ترقی متجانسدن غیر متجانسه دوغرو بورو . یشدر ، داهو دوغرو بر افاده ایله ، ترقی دیمک متادی بر تخلف ، بر باشقله لاشمق دیمکدر . بوندن دولای سپه‌نهر انسانلغک کیت کیده داهو تخلف ایله دیکمی تنوعلر اراه ایتدیکنی قبول ایدر . بونک ده حکمتی شوبله ایضاح ایدر : هر فعال و مؤثر قوت متعدد قوتلر وجوده کتیرر ، هر علتک متعدد اثرلری واردر .

طبیعییدی ؛ و بو قونفره لری کندی حکومت مرکز لرنده طوبیلامقله ، علمی و سیاسی نقطه نظرندن ، کندیلرینی ایچون جوق کوزهل و جوق مفید برشی یاپمش اولدیلر .

عثمانلی ایمپراطورلغندن آیریله لری ومستقل دولت حالنده تشکللری جوق اسکی اولمایان کنج قومشولرمزک بو حرکتده ، بزم ایچون عبرت آینه جق نقطه لر بوقیدر ؟

کویسلی زاده محمد فؤاد

جوق دفعه بر مملکتده مدینتک یا هیچ موجود اولادیفندن ، یا خود دیکر بر معین مملکتده نظرآ ایلری ویا کریده بولندیفندن ، یا خود بر ویا ایکی عصر اولنه نظرآ ترقی ویا تدقی ایتدیکنندن بحث اولونور . بو حقلر ویریلرکن هانکی اولچوبه استناد ایدیلور ؟

شبهه بوق که بر مملکتده ، بر قومده « مدنیت » هیچ بوقدر دیمک فاحش بر خطادر . آرتق وحشیلرک بیله کندیلرینه خاص ، حتی اویغون و مناسب بر مدینته مالک اولدقلرینی بوکون بیلوروز . لکن بلخاصه وحشیلرده بر مدنیت درجه سنک اضافه سیله انسان مدینتک بر تک نمونه دن عبارت اولادیفنی قبول اتمک لزومی داهو قولله حس اولونوبور . قومدن قومه ، مدینتدن مدینته ، دوردن دوره تنوعلر ، درجه لر ، آرتان ویا کسیدن شیلر وار . بونلری ناصل اولچمه لی ؟ بر جوق متفکرلر مدینتی بر تک اولچو ایله اولچمک ایستلر . فقط هر متفکر باشقا بر اولچو انتخاب ایدر . مثلاً بعضیلری مدینتک اولچوسو اولارق دیکر کاملتی altruisme همچننه قارشی فدا کارانی نظر اعتباره آبرلر . بلخاصه ایکی سبدن دولای بعضی فیلسوفلرک وروحیاتچیلرک بورایی التزام ایتدکلرینی کوروبوروز . اوله ، دیکر کام حقلرک انکشافی فردلرک و جمعیتلرک معیشت شرائطنک صلاح کسب اتمش اولدینی افاده ایدر . ثانیاً ، بومتفکرلره کوره ایلک انسانلر مطلق سورنده خودکام ایدیلر . دیکر کاملق « بشریتک » تاریخی تکامل انساننده یاواش یاواش ، و آنجق بک بو بوک مشکلاتله قازانعه ده اولدینی بر میلاندر . بوکون معنوی هویتلرک بوکسک طبقه لری دیکر کاملق تشکیل

(\*) مآخذیمز Niceforo نک Les indices numériques de la civilisation عنوانی آریدر ( پارس ، فلمازیون ) .

رومانیا و یوغوسلاویا حکومتلری ، حکمدار وقابینه ارکانی باشده اولق اوزره ، بوایشه بو بوک برعلاقه کوستردیلر ؛ مملکتلرینه مدنی ساحه ده معنوی بر نفوذ تأمین ایچون ، بو علمی تشبیلر ایچون مادی فدا کارلقدن چکینمه دیلر ؛ مطمئن رسم قبوللر ، ضیافتلر یاپیلدی . مطبوعات و افکار عمومیه ده بو بوک بر علاقه دارلق کوستردی . ملی تاریخلری بیزانسک هر تورلو تأثیر ایله مشبوع اولان بو مملکتلرک بوده برین علاقه دارلقلری بک